

U OHR-u održan prvi sastanak Koordinacione grupe za Srebrenicu; imenovan predsjedavajući



Danas je u Uredu visokog predstavnika održan prvi sastanak Koordinacione grupe za Srebrenicu na visokom nivou na kome je za predsjedavajućeg ovog tijela imenovan ambasador Igor Davidović.

Koordinaciona grupa za Srebrenicu na visokom nivou je formirana s ciljem da se bavi rješavanjem mnogih praktičnih pitanja koja se odnose na ovu općinu, nakon sastanka koji su 27. aprila održali premijeri Federacije BiH, Republike Srpske i Bosne i Hercegovine, Nedžad Branković, Milorad Dodik i Nikola Špirić sa visokim predstavnikom Christianom Schwarz-Schillingom.

Ambasador Davidović je lični predstavnik predsjedavajućeg Vijeća ministara Nikole Špirića. Današnjem sastanku su također prisustovali i Peter Bas-Backer, viši zamjenik visokog predstavnika, Clifford Bond, lični izaslanik visokog predstavnika za područje Srebrenice, Miladin Dragičević, lični predstavnik premijera RS Milorada Dodika, ministar Edin Mušić, lični predstavnik premijera Federacije BiH Nedžada Brankovića.

Učesnici sastanka su se dogovorili da će naredni sastanak biti održan u sedmici nakon 20. maja.